

نومرو : ۱۱۱

اداره خانه

ایستانبول، جفال اوغلی، دائره اجتهاد

تهله فون نومروسی : ۸۶۵

" Idjtihad " Constantinople

بشنجی سنه

علمی ، ادبی ، اجتماعی هفته لق مجموعه

مدیر مرخص : الرهامی صفا

اشکبار

۱۹ حزیران ۱۳۳۰

آبونه

سنه لك آلتی آیلق

تورکیا ایچین ؛ ۵ غروش ۳۰ غروش

ممالك اجنبیه ایچین ۱۵ فرانق ۸ فرانق

نسخه سی ۵۰ یاره یه

بويله يوكسك بر صنعتكاره ايسته ديكني سويله به هنر .
 شهراميني جميل پاشا حضر تلرينك تياترو مكنتي آچاق ،
 آنطواني دعوت ايتمك گيبي تشبثلري ، هر يگيلىكه وهر
 يگي حركته يوز بوروشدور انلرك ، جاني صيقمشدى .
 اونلر، توركيانك، تياترودن اول نه قدار چوق احتياجلري
 وار ، ديديلر . فقط ، آر قدار شلر يمزدن برى ده سويله .
 مشدى ، - خلق ، اگلنجه دن منع ايتمك قابل ده گلدرد .
 اونى ، قابا ، چير كين ، ملوث اگلنجه يرلرندن ، غايه سى
 يك يوكسك اولان بر صحنه نك اوكنه كتير مكده ، شهبه يوق ،
 بويوك برخير واردر .

«آنطوان» ك بزه نه صورتله يوقدن بر صحنه وجوده
 كتيره جكني بيلموروز . شيميدليك ، اوينايان آقور
 و آقريسلك تعليمي ايله اشتغال ايديله جكني و بر طرفدن ده
 كنجلرك و كوچك قبطي قيزلرك ييشد يريله سنه چاليشلا جاغنى
 ايشيديوروز . بز بو خصوصه هيچ برشى سويله مكسزين
 بويوك غرب صنعتكارينك همترلرني بكه يه جكنر .

توركيانك جان دامارى

چن آيك وقايع ماليه واقعايديه سنى تلخيص ايدركن
 انتشار ايدن ايكي اثر ك اسمنى خبر ويرمش ، و بونلردن
 بحث ايتمه يي كله جك آيه ترك ايتديكمي قيد ايله مش ايدم .
 عبدالله جودت بك افدى ايله وقوعبولان ملاقات اخيره ده
 سوز بواثره انتقال ايدنجه ، جدا مهم كورديكى ، ومايس
 وقايعنك كثرنى طولاييسيله بحث ايتمك قابل اوله مامش
 ايسه ده كله جك آيك وقايعنى تلخيص ايله جكمي عرض
 ايتدم . محترم دوقور بوسورتله بحث ايديله نك كافي اولما ديغنى
 باليسان بوكا آريجه بر مفاك تخصيص ايتمك كمي تنسيب
 ايتدى . اولك ايچون شو صورتله بر مقاله خصوصه ايله
 حقيقه يك مهم وجانلى اولان بواثرى تدقيق ايتمك
 ايسته يورم .

مؤلف كتابك مقدمه سنده ده تصريح ايدليكى وجهله
 اثرينك بر قسم مباحثى بر طاقم رسائل موقوته ايله انتشار
 اتمش ، هله اك مهم اولان توركيه نك اسارت ماليه سى

ر وتلريله ازدواجزى حاضر لاماديلر . بز فقيرز ، بناء عليه
 سر بستر . بو آقشام ازدواجزى عقد ايدن كيمدر ،
 بيلير ميسك ؟ فقير چوبانلرك حاميسى اولان جناب حق ..

مليحه . - زوجم ، آدك ندر ؟

الياس . - الياس . سنك آدك ؟

مليحه . - مليحه .

ناقلي : بخور اسرائيل

موسيو آنطوان

عثمانى تياتر مكنتي

فرانسز صحنه سنك ائ بويوك آقتورلرندن ، ائ مشهور
 ديره كتورلرندن موسيو آنطوان ، حكومت عثمانيه نك
 تكليفنى قبول ايدرك ، بزه بر تياترو مكنتي تاسيس ايتمك ،
 داها دوعروسى بزه ايلك صحنه نك تمل طاشنى آتماق
 ايچون كچن بازار كوفى ايستانبوله كلدى .

آنطوان ايله فرانسه الحق افتخار ايتكمده در .
 سنه لرجه سكي ويكي ادبياتى جانلانديران بوسنتكار
 ممتاز ايچون شيمدى بويوك فرانسز غزته لرى اوزون
 بندلر يازما قده درلر .

بر قاچ هفته اوله گلنجه قدار آنطوان ، فرانسز
 حكومتك تخصيصاتلى تياترولرندن « اوده تون » ك
 مديرى ايدى . « آنطوان » ، بورايه مدير اولورا و لماز ،
 صحنه ده بوسوتون باشقه بر يول آچاغه چالشمشدى .
 سنه لردن برى محافظه ايديلن بويوك اويونلرك ده قورلرني
 بردن ده گيشدير مشدى . بوراده اوستى بويالى كتن
 بزدن پرده لردن باشقه ده قور گورمه ينلر ايچون
 اوده تون ده قورلرينك تبديلنك نهيه مال اولاجاغنى
 تصور قولاي دكلدر .

فقط ، موسيو آنطوان صوكنه قدار بورجندن
 قورتولا مامدى . مع مافيه فرانسز محافل ادبيه سى اونا
 شيمدى يه قدار « سفيه » ديمدى ، صنعتى سوهن هر كس ،
 اونك صنعتكارلنى اوكنده سجده ايتكمده اتفاق ايتمشدى .
 هيچ بر مملكتده ، توركياده اولدوغى گيبي ، بر غزته جى

مسئله سی بیلمکی مجموعه سنک پشنجی نومرو سنده عیناً انتشار ایتدیکندن بومناسبتله کنج ایک وقایعی صر سنده بوندن ده بحث ایدلمش ایدی. بناءً علیه بوراده تکرار بیله اولسه اورادنده بحث ایتک، کتابی صره ایله تعقیب ایدرهک اوکا کوره بر فکر ویرمک ضرورتی حاصل اولور.

اثرک محتویات اصلیه سنه کیرمزدن اول مقدمه سنه ارجاع نظر ایدلم. واورادن شوسطرلری آله لم :

«تورکیا بر انکشاف دوره سنه کیرمکده، و اوروپاده کی معناسیله بر صنایع و مدنیت مملکتی حاله کلکده در. کنج تورکیا بر جوق مجادله و زحمتلردن صکره کندیسنه یول آجیدی. بوکون مملکتی اداره ایدن افکار عمومی و حسیات ملییه تر جان اولان کنج ترکیه در.

«اسکی تورکیا ارتقی موجود دکلدرد. بو حقیقی کورمه بیلر، عمومیته کورمک خاصه سی غائب ایتمش اولاندر در. بوکون اسکی فیکرلی آدم لره شبهه سز تصادف ایدیلر. فقط اسکی طرز حیات ارتقی موجود دکلدرد. ارتقی صره لرخی کچیرمش اولان اسکی فیکرلر. اطرافلرنده جریان ایدن احواله قارشى شاشقین و دارغین نظر لرله باققد، وعودت ایتمین اسکی دوره نک خاطراتیله وقت کچیرمک ایچون کوشه لره کزلنمکده درلر.»

«اسکی تورکیا ارتقی موجود دکلدرد. بو حقیقی کورمه بیلر، عمومیته کورمک خاصه سی غائب ایتمش اولاندر در. بوکون اسکی فیکرلی آدم لره شبهه سز تصادف ایدیلر. فقط اسکی طرز حیات ارتقی موجود دکلدرد. ارتقی صره لرخی کچیرمش اولان اسکی فیکرلر. اطرافلرنده جریان ایدن احواله قارشى شاشقین و دارغین نظر لرله باققد، وعودت ایتمین اسکی دوره نک خاطراتیله وقت کچیرمک ایچون کوشه لره کزلنمکده درلر.»

مؤلف محترم بوراده فضله نیکیینی کوسترییور. مع مافیله نمونیتله قید اولنه جق بر جهت وارسه اوده ایشک اولانجه اهمیتیه اکلا شلمغه باشلامسی، واکلا یانلرک شمیددن تداییر اتحادینه قویولسی در. بوده شمیدیلک کافیدر. «تورکیه نک اسارت مالییه سی نصل باشلادی و نصل انکشاف ایتدی» سرلوحه لی برنجی بابه مؤلف شویله باشلایور :

«تورکیانک اسارت مالییه سی ده قریم محاربه سنندن باشلامقده در. شوراسی دقته شایاندر که، تورکیا ایچون مظفریتله نتیجه لهن بو محاربه اونک ایچون مالی اسارت دوغورمش، وکندی سنک سیاسی قوت و نفوذینه قطعی برضربه اورمشدر.

«عثمانلی دولتی، ایلمک دفعه قریم محاربه سننده بورجلانمشدر. ظن ایدلمه سین که اوزمان عثمانلی حکومتی، دولتک اوروپایه مالییه جه باغلی اولماسندن تهلکه لی نتیجه لر حصوله کله جکنی تخمین ایتمه مشدر. حکومت، چوق زمانلر اوروپادن بورج اوله رق پاره المقدن چکینمشدر.

وحتی ۱۸۵۰ سنه سننده لوندرده رسماً عقد ایدیلن

استقراض اوزمانکی عثمانلی حکمرداری طرفدن رد اولندیغی زمان تورکیا حکومتی بو استقراضدن واز کچه بیلمک ایچون پشیمانلق جزاسی اوله رق معترضلره ایکی میلیون ایکویز بیلمک فرائق اوده مشدر. فقط قریم محاربه سنک اورتیه سورمش اولدیغی پاره احتیاجی استقراض عقدینی ضروری قیلمشدر.

بزماضی تدقیق ایتدیکن زمان کوریورز که اگر تورکیا مالی و سیاسی انزواسنه ده اول نهایت ویروده استقراض عقدینی. پاره صوکدرجه محتاج اولجه یه قاندار کچیکدیرمه مش اولسه بیدی ده اینی اوله جقدی.»

شوراده تأثرله علاوه ایدمه که بزرگ الک بیوک ضرر لر مز، یالکنز مالیده دکل هرشیده کی زیانلر مز هپ ایشه وقتنده اهمیت ویرمه مکدن، تعمیر عامیانه سیله تیموری طاونده دوکمه مکدن ایلری کلشدر. بعض خصوصانده کمال شکران ایله مشهود اولان علامتنباه آتی ایچون هر حاله قال خیر عد اولسه کرکدر.

«پاره احتیاجی کیتدکجه بویومکده اولدیغی حاله اوروپانک مالی اعتبارندن استفاده ایتک ایسته ین تورکیا حکومتی. لزومی اولان مبلنی الیه ایتک ایچون ده ا تهلکه لی ودها ضرری واسطه لره مراجعت ایتمش. مثلا دولت وارداتی انجارایله مش، و بو صورته غلطه ده کی روم بانقه لرینه خلیجه بورجلانمشدی.»

بانقه نامی تحتنده اوزمان موجود اولان مؤسسه لرک چویردکاری رول، خزینه یه تحمیل ایتدکاری ضرر یورک آجیسیدر. فقط بوکا ک زیاده اووقتکی میانجیلر، اخذ و صرفه مأمور اولانلر استفاده غیر مشروعه تأمین ایچون یول آچیشلردر. یوقسه اونلر بونی ایسته مه مش اولسه لر، دولتک امور مالییه سی ده ا عاقلانه اداره ایلسه لر ایدی شبهه سز بو احوال وقوعه کیز، دولتده اسارت مالییه کرفتار اولمازدی. ده ا صکره مؤلف محترم سکه لرک معین اولان ثقلتی ازالدمق، تغشیش ایدلمک صورتیه وقوعه ککن حرکتری قید ایدیور. و بوتداییر غیر مقبوله نک ختامی اوزرینه اخراج ایدیلن قائمه لر مسئله سنی تدقیق ایلور.

حقیقه قائمه لر، دولتک اعتبارینی پک زیاده صارصمش، عین زمانده افراد ایله حکومتی کلی متضرر ایله مشدر.

«اطفای دیون کیفیتنی تماماً تقدیر ایده بیلماک ایچون اطفای خصوصنده صرف اولنان مبلنی استقراض رأس المال اعتباریسیله دکل ، استقراضلردن تورکیانک الله کچن حقیقی مبلغلرله مقایسه ایله ملیدر . زیرا اعتباری رأس المال دها بدایتده موهوم اولوب هیچ بر زمان تورکیانک خزینه منه کیرمهش ، وانجق کاغد اوزرنده قالمش اولان مبلغلردن عبارتدر .»

دیون عمومیه ادارهسنه تخصیص ایدیلن سطرلر پک مهمدر . مسئله مؤلفک سوزلرنده بتون عریانقلیه کوستر - لیدیکی ایچون برشی علاوهسنه لزوم کورمیور نقلیه اکتفا ایلیورم .. «دیون عمومیه ادارهسی سیاسی بر مؤسسه دکلدر . بومؤسسه دولترک وکیلی وممثلی اولیوب عادتا خصوصی برشرکتدر . فقط حقیقته اوروپا دیپلوماسیسی ، گویا «دیون عمومیه ادارهسی» رسمی اوروپانک وکیلی ایش کی حرکت ایله مشدر . بوصورتله مملکتده ایکی مالیه ادارهسی حصوله کلشدر . بونلردن بریسی اوروپا طرفندن آچیقندن آچیغه حمایه ایدیلن «دیون عمومیه ادارهسی» اولوب دیکریده اوروپانک دائماً تضییق واشکال ایله مکده بولندینی مالیه نظارتیدر .

«مملکتک هر طرفنده شعبلر آچهرق بیکلرجه مأمورینی حاوی تشکیلات وجوده کتیرن «دیون عمومیه» ادارهسنک بوتشکیلاته استناداً دولت وارداتنک بیوک قسمنی تدریجاً کندی ادارهسی آلتنه آلمق املنه دوشمهسی قابل اوله مازدی . اوروپا مالیوننک واوروپا دیپلوماتلرینک سیاستی ده بومقصدی تعقیب ایدیوردی . بویوله بر حرکتک نه نتیجه لروردیکی کوزه لجه کلامق ایچون اشاغیده کوستریلن ایکی رقمی تدقیق ایتک کافیدر:

«۱۸۸۲ - ۱۸۸۳ سنهسنده دولت وارداتنک دیون عمومیه ادارهسنده بولنان تورکیا وارداتی (۲,۵۲۲,۴۹۸) عثمانلی لیراسندن عبارت ایدی . حالبوکه ۱۹۱۱ - ۱۹۱۲ سنهسنده بومبلغ (۸,۲۵۸,۲۹۲) لبرایه واصل اولشدر .»

بعده حال حاضرده کی دیون عمومیه ادارهسنده بولنان وارداتی تدقیق ایدیور، وهربری حقنده ایضاحات ویریور . مستقبل واردات حقنده اشاغیه قید اولنان سوزلر جداً پک بیوک بر اهمیت حائزدر . چونکه کوریه جکی وجهله بومؤسسه دولتک استقبالده کی امید

قائم لک ایسته یلیدیکی انده مبادله لری تامین اولنه مامسی ، بیاسه نك احتیاجلرینه اویدیرده جق واسطه لرك بولنمامسی ، خزینه مأمورلرینک خصوصیه ولایات مأمورینک اهالی طرفندن ویرکو تأدیا قی صره سنده ویریلن قائم لری المقده تردد کوسترمسی ودها بعض اسبابک انضمام ایتمسی ؛ اعتبارلرینی هیچه ایندیرمکه ، دولتی ده مادی ومعنوی متضرر ایله مکده سبب مستقل اولمشدر . تورکیایی افلاسه سوق ایدن سبیلری قید ایدرکن شو مهم مطالعه نی یوریدیور :

«تورکیانک عقد ایتدیکی استقراضلر . دیگر دولترک استقراضلردن دائماً دها آغیر شرطلره باغلا نغده ایدی . تورکیا حکومتی ایسه کندیس بر دفعه استقراض مسلکته کیرنجه اولجه استقراض عقدندن استنکاف خصوصنده کوسترمس اولدینی افراط پرستلیکی بوراده دخی حسابسز واحتیاطسز بر صورتده بورج باعقله کوسترمشدر . حال اودرجه به وارمشدی که ، حکومت ، پاره ویرن - بواندینی تقدیرده هر نه شرطله اولورسه اولسون استقراض عقدینه حاضر وآماده بولنشدی . بورجلرک بودجه اوزرنده بیوک بر آغیراتی حصوله کتیرمکده . و بورج فائضلرینک آنجق یکی استقراضلر عقدی واسطه سیله اوده نمکده اولدینی قطعاً نظر دفته التمامشدر .»

دولت ۱۸۷۴ سنهسی نهایتنه قدر (۵,۲۹۷,۶۷۶,۵۰۰) فراتلق بر بورج آلتنه کیرمش، وفقط الله بوندن ایکی میلیار اوچیوز میلیون فراتقندن دها آز پاره خزینه به کیره بیلمشدر .

«دها صکره تورکیا تأدیا قی تعطیل ایتدیکی زمان بتون اوروپاده کورولتی وحدت ایدلشدی . فقط کوستریلن مقدار کوز اوکنه کتیریلرک اولورسه اعتراف ایدلیدرکه تورکیانک مشکل وضعیتلردن . اونک مأمورلرینک دوشونجه - سزلک ، تجربه سزلک ، واهانلرندن استفاده ایدن اوروپا مالیونی آج کوزیلنکده هر درلو حدودی آشهرق دولتی مالی بحرانه دوچار ایشلدر . مالیه عالی ایله مناسباته کیریشله جکی زمان ، بو تجربه نی دائماً نظر دفته آلمق اقتضا ایدر . بورسه معاملاتی وباقیه سیاستی کندیس دخی حس ایتکسزین تورکیایی ومالیه عالی ایچندن افلاسدن بشقه واسطه ایله جیقيله میه جق کی بر سوغاغه سوقغه مقتدردر .»

بعده مؤلف محترم محرم فرمانیه کیریشیه بن تسویه دیونه کچور . فضله تفصیلاتی ارزوایدنلرک کتابه مراجعتنه بر اهرق یالکز اطفای دیون حقنده کی سطرلری بورایه کچیره لم :

« کورلیور که دولتک باشلیجه واردات منبعلرینک اوجده برینی الله آلهشدره بو مالیه مؤسسہ سی معاملیه باشلادینی زمان کندیسینک بودجه سی اذ زیاده انحصارلره و تمغا پولی رسومه استناد ایلهمکده ایدی . او زماندن بری بو مؤسسہ یالکیز بالواسطه ویرکولرک مهم قسمنی دکل ، بلا واسطه ویرکولرکده یوزده یگری اوجنی کندی اداره سی الله آلهشدر . دیون عمومیہ اداره سی مالیه امورینک هر جهتده مالیه نظارتی صیره سنده کیتکده . وهر یرده کندیسنه یول اچمده اولوب بو صورتله دولت ایچنده بر دولت وجوده کتیرمشدر . »

بورجلرک ۱۹۱۳ سنه سی مارتنه قدر اولان حالنک تدقیقته دائر اولان سطرلر یالکیز مهم دکل مدهشدر . قید ایدلم .

« جهت مالیه ده آئیده کی خصوصلرک تفریق الزمدر :

(۱) دولت استقراضلری .

(۲) وانسلر و خزینه تحویلاتی

(۳) دونما بورجلری

پارس مالیه قونعره سنه ویریلن حساب جدوللرینه کوره (۱۹۱۳) سنه سنک ۱۴ مارتنه قدر بورجز بورجلرینک یکونی (۱۳۱۰۳۴۴۰۵۱۳) میلیون لیرا . بونک اطفاسی ایچون سنوی اوده دیکمز پاره : الی میلیون طقوز یوز اوتوز درت بیک اوچ یوز اوچ لیرا . »

بعده وانسلره کچور . محاربه دن اول و صکره عقد ایدیلن وانسلرک یکونی (۲۲،۳۵۸،۴۱۲) اولدینی کوسترلمش و بدایه یوزده ۵۵۰ ، ۵۰۵ ، ۶ نهایت یدی فائضه تدارک ایدلدیکی حالده محاربه صره سنده مدتلری منقضیه اولسی اوزرینه بیک نازونیا زله یوزده طقوزه ابلاغ اولدینی قید اولمشدر .

بومناسبتده عثمانلی بانکه سیله دیون عمومیہ اداره سنک روانی مؤلف محترم پک آتشین برلسانه ایضاح ایدیور . حقیقتی بودرجه قطعیتله تبلیغه موفق اولدیغندن هر کسک بیلدیکی فقط سوبلیه مدیکی خصوصاتی اظهار ایتک صورتیه ابراز ایلدیکی جسارت مدینه دن طولانی جدا تبریکه شایاندر .

عثمانلی بانکه سی ایچون « دولته استنادکاه اولیق مقصدیه تشکیل ایدلمش اولان بومالی مؤسسہ ملنک اجیقلی کونلرنده دولته استنادکاه دکل ، اغیر بریوک اولمشدر . عثمانلی

لرینه ده ال اوزاتمش ، تعبیر معذور کورولسون - دولتی قیص قیوراق باغلامشدر . الکنین واک صاغلام واردات منبعلرینه ال اورمغه قناعت ایتمین « دیون عمومیہ اداره سی » عثمانلی حکومتی ایلریده ویرکو اصولنده اصلاحات اجرا ایدیلوبده وارداتده فضله لک کورلدیکی زمانلر ایچونده بعض تعهدله باغلامشدر . صیراسی کلمش ایکن شونی سوبلیه ییم که حکومت دیون عمومیہ اداره سنک موافقتی اولمادجه یوقاریده ذکر ایدیلن وارداتده [۱] هیچ برکونا تبدل اجرا ایدمه مکده در . یعنی مذکور وارداتی نه زیاده لشدره بیلیمکده نه ده ازالته بیلیمکده وبوصورتله سیاست مالیه سنده تماما باغلی برحاله بولتمکده در .

« ۱۸۸۱ سنه سی محرم فرماننک ومستقبل واردات حقنده کی اوجنچی ، دردنجی فصللرینک سکرنجی فقره سنه کوره تمامیه « دیون عمومیہ اداره سی » نه تودیم ایدیلن مستقبل واردات شونلردر :

« ۱. — تجارت مقاوله لرینک بکیدن تدقیق صورتیه کمرک تعرفه سنده تبدلات اجرا ایدلدیکی تقدیرده کمرک وارداتنده ظهور ایدمه جک فضله .

« ۲. — تتمع نظامنامه سی عمومیه تشمیل ایدیلوبده بوکونکی تتمع ویرکوسنه نسبت ظهور ایدمه جک فضله .

محرم فرمانی ، دولتی « دیون عمومیہ اداره سی » نه ویریلن وارداتک استفاده سندن محروم ایتکمه مذکور وارداتنه اولان علاقه سنی ازالتمشدر . »

چونکه دیون عمومیہ نک یداداره سنده بولتان وارداتده ظهور ایدن فضله یی دیون عمومیہ چکمکده ، بوندن دولته برشی ویرمه مکده در . حالبو که دولتک معین اولان مقداردن فضله سنی درحال آلمسی ، وبوندن استفاده ایلهمسی لازم کلیردی . شمعی ایسه مع التأسف او یله اوله میور . دیون عمومیہ فضله واردات الله ایدرکن خزینه دولت بریده پارسه لقدن شکایت ایلور : اسکی ویکی اسارتلره دائر اولان بحثده ده ال روحلی سوزلر شونلردر :

[۱] « ۱. — قبریس اطهمسی ویرکوسی . ۲. — برلین معاهده سی موجبجه بالقان حکومتلرینه تحمیل ایدیلن قسم . ۳. — طوز . ۴. — نوتون . ۵. — تمغالی بول رسمی . ۶. — مسکرات رسمی . ۷. — باقی رسوی . ۸. — اپیک اعشاری . ۹. — تنباکو رسوی . ۱۰. — حیوبات اعشاری . ۱۱. — اغنام رسوی . ودها اوفق تفک بعض واردات .

عمومیه اداره سنی مالیه نظارتیه برلشدیرمکدر. اکر بویا بلیه جق اولور ایسه دیون عمومیه اداره سنی جریان احوال نتیجه می اولورق دولتك بتون وظائف مالیه سنی کندی اوزرینه اله جق، و او زمان مالیه نظارتی لوزمسن بر مؤسسه حائده قاله جقدر.

مؤلف کتاب دردنجی بابی اکر امیه لی دمیر یوللری تحویلاتنه تخصیص ایتمش، و بونلرک بر تاریخیچه سنی یابدقن وقارشولق کوستریلن وارداتله محاسنه عائد ایکی جدول واسطه سیله بویاضاحتی ارقام ایله ده کوستردکدن صکره بورسسه معامله سنی نقل کلام ایدیور. بوراده کی شایان قید اولان مطالعاتی نقل ایده لم:

« اکر امیه لی تیمور یولی تحویلاتنک سرباً اعحاسی کیفیت، بورسسه معامله جیلرینه بر استنادگاه تشکیل ایتکده، و دولت ایچون پک بیوک ضررلری موجب اولمقده در. « تورکیانک حکومتنک اعما مقصدیله هر سنه بیوک بر مقدارده - بو مقدار کیتدجه ارتقمقده در - اکر امیه لی تیمور یولی تحویلاتی ساتون اله جفته واقف بولسان بورسسه مذکور تحویلات فیثا لرینی یوکسلیتمکده و بوسورتله تحویللری دولته دهایی صاعقمقده در. » بوندن صکره دیگر استقراضاته کچور. و بونلر حقتده ده اولدقجه شایان دقت، وفائده لی معلومات ویریور. کتابک بشننجی بابی مؤلفک بر آچینی لایحه سیدر. تورکیا حقتده پک خیرهواه اولان موسیو پارووس بوراده ده پک استفاده لی ایکی تکلیفده بولنیور.

« آ - اکر امیه لی تیمور یولی تحویلاتی. بز بو تحویللرک بورسسه دن ساتون الهرق اعما ایدلسی خصوصنده کی مجبوریت اصولنک لغویله مذکور تحویللرک قیمت اعتباریه اوزرینه اعمارلری و عین زمانده اکر امیه و اعما به مخصوص مبلغک تحدید ایدیلرک انجق (۲۷۰,۰۰۰) لیرادن عبارت قاللسنی تکلیف ایدیور. بوندن صکره ده بوکا دائر بعضی ایضاحات ویریور. » ب - دیون مبدله موحده و دیگر استقراضلر، بز، بو بورجلرک کافه سنک بر عثمانی دولت راتی حالته قید ایدلسنی تکلیف ایدیور. »

بعده رانتک مقداریه تأمین ایده جکی فائض حقتده ایضاحات اعطا ایتدکدن و تحویل و توحید دیونه عائد ایضاحات ویرلدکدن صکره ده تأمینات مسئله سنی کچور، و بونک ایچون ده اوزون اوزادییه تفصیلات اعطا ایلور. مؤلف محترم بوندن صکره ده صره سیله تورکیه ده زراعتک استقبالندن، تورکیه نک انکشاف مالیدن، و توتون انحصاری و توتون رئیسندن بحث ایدیور.

باقه سی فوق العاده امتیازلر و رجحانلردن استفاده ایتکده در. بوامتیازلر اودرجه بیوکدرکه بالذات باقه مؤسسلری (۷۵) سنه سنده وقوع بولان اجتماع عمومیه « بتون دنیاده کی مستقل شرکتلر و مالیه مؤسسه لری تاریخنده عثمانی باقه سنک موقعه مشابه بر موقع بوله مامقده اولدق لری » بیان ایتمشلردر. هیچ برکونا امتیازات فوق العاده یه مالک بولنمان اجنبی ویرلی باقه لردولته قارشو اولان مطالبه لرنده ده متواضعانه طاوور اتمشلردر. دیدکدن ودها بعضی ایضاحات ویرلدکدن صکره « دیون عمومیه » اداره سنی کچور، دیور که « دیون عمومیه اداره سنی ده حکومتک احتیاجلرینه قارشو قبولرینی قاپامقده معامله ایتمشدر حالبوکه او، دولته پک قولای معاونت ایده بیلیردی. زیرا کندیسنک بوشده و بیوک مقیاسده وساطتی وار ایدی. بو مؤسسه ایکی میلیون عثمانی لیرالق احتیاط اچمسنه مالک بولمقده، و بومبلغی مختلف بورسسه اسهامنه صرف ایتکده در. دیون عمومیه اداره سنی بوسرمایه ایله یا ایتالیان، یا المان، یا فرانسه، یا ژاپون، انکلز و یا خود مجار تحویلاتی اله جنی یرده عثمانی خزیننه تحویلاتی ساتون اله ایدی تورکیانک مالی احتیاجنی تخفیف ایتمش اولوردی. »

مؤلف بوندن صکره ده بعضی تفصیلات ویریور. و مالیه نظارتیه دیون عمومیه مأمورلرینی مقایسه ایدرک حال حاضرده مساوی درجه ده بولان مأمورلرک یقین زمانده دیون عمومیه ده آرته جفتی و مالیه نظارتی ده کندی مأمورلرینه یول ویره میه جکی ایچون بوسورتله ده فضله مصرفک باش کوستره جکینی قید ایتدکدن صکره غایت مهم اولان قرارینی ویریور.

ایشته قرار ..

« ده شمدیدن اولیه بر وضعیت حصوله کلددرکه بتون مملکته کوک صالمنش اولان بو تشکیلاتی محو اتمک امکان خارجنده در. اونی انجق براز تعدیل و تبدیل ایله مملکتک عمومی تشکیلات مالیه واداریه سنی تابع قیلمق، و ممکن اولدینی قدر خصوصی بر مؤسسه حالندن چقه رهرق دولته قارشو مشول و حقیق بر دولت مؤسسه سی حالته جورمکده قابلدر. » یوقسه اونی تماماً اورتهدن قالدیرمق ممکن دکدر. بناءً علیه مستقبل مالیه اصلاحاتنک پایه جنی باشلیجه و طیفه، دیون

مقاله خیلی اوزادی ، بونلرك اهميت مخصوصه لری درکارایسه ده اولمکیلره نظر آ ایکنجی درجه ده بولمقله برابر ارزو ایده نلرك کتابة مراجعتله ده تفصیلات لازمی الیلملری قابل بولندیغی ایچون مؤلفه تدقیقات عمیقہ اجرا ایتک صورتیله مالیه مزی اییدن ایی به طانتدیغندن ، و کوستردیکی جسارت مدینه دن طولانی تکرار تکرار تبریک ایدرم .

محمدرزکی

هامش . — کتابی تورک یوردی کتابخانه سنندن الدقندن صکره اوقویه رق باب عالی جاده سنی تعقیب ایدرکن آز ایلریده بیلدیکم کتابچیلردن بری « جوق شکر بردانه صاتیله یغنی کورد » دیدی . بو سوزه پک زیاده جام صیقله یغنی ایچون کندیسینه یالکنز اعاده سلامه اکتفا ایده رک یورودم . اگر بویله ایسه نأسف ایتمه مک الدن کلز .

مکتب بنالرینک خاصه تمدنییه سی

زده اُک بویوک تمدین قوتی مکتب بناسی ، جامد ، صامت مکتب بناسی اولیور . نه مکتبلرده کوستریلن علوم وقون نه ده باخصوص مکتب ادارهنشک تربیه سی مکتب بناسی ، لیلی و عالی بر مکتب بناسی قادار مداوملری تمدین ایتک خاصه سنی حائز اولامیور .

بونده کی غرابت میدانده در . فقط برآز تأمل اونک بر حقیقت اولدوغنی اکلامق ایچون کافیدر . مکتب حیاتی عائله حیاتنک مابعدی در . عائله حیاتندن مکتب حیاته آز چوق براسته حاله ، تمدنه دوغری بر انقلاب وارددر . مکتب بناسی اولردن ده مدنی در ، مکتبده وسائط مدنیه عائله حیاتنده موجود اولایله . جککردن فضله در . اُک بویوک مربی ، ترقی و تکاملک اُک بویوک مولدی تعلیم و تربیه دن اول یاشانیلان « حیات » در . اُک بویوک برقسم افعال شریه عادی افعال منعکسه دن عبارتدر . حیاته میخانیکی تقلید ده غالبدر . تعلیم ده دن درجه ده قایلر .

مکتب حیاتی طلبه ده بر طبیعت ثانیه اولیور . مکتب حیاتنک ، یکی حیاتنک اوزون مدت دوام و فعالیتی طلبه ده قوی احتیاجلر تولید ایدیلیور ، مکتب اکال ایده رک ،

مسلك حیاته داخل اوله رق مملکتک هجرا گوشه لرینه یاییلانلر ، اکثریتله آلیشدقلى مکتب حیاتنک لوازم مدنیه سنی کیتدکلری یرده تجمع ایتدیرمه قوی برحس احتیاج دوییورلر . محرومیتلری ، احتیاج مدنیلری ده اُی ادراک ایدیورلر . محرومیتلره قاتالامق بویوک برفدا . کارلق ، روحلرده بویوک بر اوزوتی تولید ایدیور . مثلاً هوا غازی یرینه موم و یا عادی غاز لانبه سی ضیاسنده اوطورمق یکی حیاتنک نه قادار سونوک ، نه قادار منخسف اولدوغنی اُک مادی بر طرزده احساس ایدیور .

کنیش ، یوکسک ، حس بدیی نمون ایده جک بنالر داخلنده اوطورمق ، واوله یمک خانلرده طعام ایتک ، یوکسک ، هوادار یتاق خانده مکلف قاریوله لرده یاتمق ، نارین ، ظریف باغچه ده کوزل چیچکلر و اغاچلر آره سنده کزمنک احتیاجی ، یوره ک یاقیور .

بو صورتله مکتبک جامد بناسی حیات مدنیه نک ، لوازم مدنیه نک اک هجرا گوشه لره قادار یاییلماسنه یاردیم ایدیور . یتشدیردیکی افرادی ده بویوک مقیاسلرده ادراک ایدلمش محرومیتلرک تطمینی ایچون ده بویوک سعی وغیره سوق ایدیور .

مکتب بناسی تحصیل ائناسنده طلبه نک فعالیت ذکائییه سنی ده تربید ایدیور ، مکتب حیاتی طلبه نک حسیاتی آز چوق ایچلیتور ، ذوق سلیم ، حس بدیع تولید ایدیور . ایچلمش ، سیویرلمش حسیات ذکانه ده ایچلمشی ، بیله نمشی موجب اولیور . بدیه یاتنددرکه حس فکردن اولدر ، بر درجه یه قدر حس ، فکرك مولدی در . مدنیته تاریخنه عطف اولنان سطحی برنظر کوستریرکه هر وقت ، هر یرده اک اولدبا ظهور ایتشدر ، علماصوکره یتشمش در .

انسانده وجدان ، انا پک متحول ، پک متلون بر شیدر . باشقه محیطلرده باشقه فعالیتلر یاپار ، سیسلی هوا ، آچیق هوا ، مختلف موسملر ، مختلف محیطلر « تفکر » اوزرینه تأثیر ایدر . کنیش ، فرحفا بر یرده باشقه تورلو ، پیس ، دار ، ضیاسز ، هواسز یرده باشقه تورلو دوشو . نولور . لوازم مدنیه ایله مجهز ، یوکسک ، ضیادار ، هوادار بر یرده ، بر نمونیت روحیه ایچنده افعال حیاتیه